

偶

齋

詩

草

偶齋詩草外次集卷

壬庚集

壬子至庚申

崇室寶廷竹坡著

翠隱池

池在西山靈光寺

山齋觀書倦閒步南池濱二三詩酒客佳日幽同尋煮茗趁松風彈棋隨柳陰鳥鳴水聲裏斜陽雲半林酒暖須共飲詩成可同吟山水有真趣浮名安足論

自靈光寺北上平坡山遍遊諸寺

荷笠下古寺扶筇上平山巖巒屢登陟葛藤頻攀援隨路生白雲信步踏流泉澗轉見精舍林開露遠川頑石

狀咸奇喬木陰恆圓遊人息松下牧子歌雲邊意靜趣  
彌多地寂心易安清幽景無窮市塵豈能干

山中

四面青松白石惟聞衆鳥悲鳴小逕曲通紅葉澗邊隱  
隱經聲

閒居

微雨初晴半暖涼書齋倦坐布簾揚花招粉蝶來深院  
柳送黃鸝過短墻客至呼僮賒薄酒夢回催婢爇名香  
閒中樂事真無盡誰暇紛爭勢利場

尋馬德峯不遇

丙辰

叩門小婢出云公未歸家邀吾入空齋小息嘗團茶坐  
久寂無人斜陽上亂花

集成

己未

時倚檐前樹茶香透竹叢停樽遲晚月解帶臨清風雲  
影亂鋪地雁聲秋滿空石闌斜點筆寫葉惜殘紅  
小院無人夜題詩蠟炬紅寒蟲滿幽逕秋蝶戀疎叢明  
月澄清景晴雲散遠空逍遙自得意况在九秋中  
寂寂竟何事相思空復情晚雲連幕捲斜月透窻明竹

露滴清響松風動夜聲永懷愁不寐燈下草蟲鳴

題王式如夫子畫松

簾開青靄忽滿牆凝眸恍覺衣裳涼古松昂然立粉壁  
式如二字書其傍亂鉞橫斜滿絹素梁燕飛回恆誤駐  
炎天坐對暑全忘卻嬾乘涼窗外樹森然枝葉望如煙  
偃蓋軒昂疑帶霧風翻翔鳳尾斜拖雲護飛龍身半露  
當時畫手何足論全得畢韋神妙處憶昔從師西山邊  
日圖雲月描山川幽窗讀罷代磨墨師弟契合皆前緣  
十齡相別入城闕萍蹤浪迹頻流遷吾師手跡今復覩  
不知師客何人邊畫名縱有亦何補其如身賤囊無錢  
噫吾生迂濶如師焉此身諒必遭屯蹇

廓如亭 集成

吹面不寒楊柳風釣船猶繫柳橋東三山半落青天外

多少樓臺烟雨中

柴門臨水稻花香  
隔岸漁家盡綠楊  
遙望行雲遮半嶺  
樓臺倒影入池塘

綠楊陰裏白沙堤  
草色青青送馬蹄  
水底看山山更好  
此中樓閣有高低

樓閣參差倚夕陽  
浪花無際似瀟湘  
尙嫌未愜幽情興  
攜杖來追柳外涼

龍泉菴用貴月山先生元韻

盈丈方塘似鏡明  
午風小榭走松聲  
客來欲使途迴曲

故閉朱扉不許行

延爽迎曦亭

小雨喜初晴雕闌僧共倚官闕列東南  
燦爛斜陽裏

清泠池

垂柳種緣堤方亭結其上返照入清池  
塔影隨波漾

翠隱圃

雨過衆蔬生千畦碧色平夕陽明古壁  
不斷轆轤聲

清泠泉

多時帆先生尋得泉未久遽故

清泠久知名今始得其處惜哉鑿泉人  
泉通人已去

蘿松

殿外古松青其陰堪小憩  
深院悄無人落花紅滿地  
孤松書室

小院立蒼松昔年讀書處  
讀書人又來蒼松尙如故  
擷秀山房

方塘鑿窓外日夜響泠泠  
夢醒倚窓望秋山一片青  
懷法華上人 集成

山鐘搖暮天墟里上孤烟  
向晚禪堂掩幽人應未眠  
閒吟



欲寫秋懷毫嬾抽蕭齋靜坐歛眉頭傍人多事頻相問  
只得推言下第愁

偕宜少畊東山閒步

晚樹暗連山蒼茫青一片遙寺數聲鐘峯巒皆不見月  
上村水明風來泉響亂西向立移時爽氣迎人面

山榭

山榭瞰新茗迢遙望城闕雨過天地清山川彌顯豁遠  
樹帶孤村纖雲界明月清光照亂山皎皎如霜雪胸懷  
頓覺清塵想此俱絕

步成書雲韻

挹泉漱齒吸山翠亂草盈堤青瑣碎雨中野鶴入烟飛  
雲裏山僧枕花睡

季夏望偕宜少畊慧一上人登平坡山徧遊諸寺

薄暮始歸靈光寺與少畊聯句

雨洗西山出少青蒼衆嶺橫相將尋勝境竹此去愜閒

情短著葛衫薄少圓攜簾笠輕隨幽僧作伴竹覽秀我

初行碧磴循崖轉少紅牆隔湖迎竹廬圍烟草色三山

榭額曰半溝擅海棠名大悲寺有擘玉瓜芬溢敲金竹菴有

韻清

少

名菴彫戶閉古寺粉垣宏

龍泉菴

岡首羣楓列廊

腰亂薜縈

竹

泉流龍有影峯靜虎無聲

少

魚躍松陰破

蟬吟槐蔭鳴

竹

軒開秋好認閣敞卧遊成

少

軒卧遊閣

斜度東扉便

由菴之後門出

徐過北岫平

竹

層階勞健步香界

矚新晴

少香界寺

果帶嵐光摘茶和石氣烹

竹

花枝依寶殿

巒翠溼雕楹

少

索句樓同倚升高逕漸更

竹

淺深苔點

路迢遞樹還城

少

紅日對人下白雲隨步生

竹

追隨時

見蝶徙倚想聞鶯

少

絕頂登尤爽凝眸景盡呈

竹

寶珠洞

村低千樹偃橋遠半湖明

少

仙洞涼堪憩

宸章美孰

賡竹

薰風柔入榭斜照澹連甍

少

坐訝巖皆暝還看月

正盈

竹

歸途回首望暮靄鎖崢嶸

少

寄法華上人

集成

不知春去幾多時綠葉成陰子滿枝遙想吾師行道處

紅泉翠壁薜蘿垂

雷聲忽送千峯雨雨後山光滿郭青謝却海棠飛盡絮

一窓晴日寫黃庭

但恨無過王右軍牀頭書冊亂紛紛相思相見知何日

雪月花時最憶君

此中幽隱幾經年作楷能追兩晉前總角草書又神速  
揮毫落紙如雲烟

慧一上人歌

慧上人心性真方寸古樸令人親七齡因疾入象教從  
師山寺甘清貧習經參禪二十載天真爛漫超風塵一  
朝遊興忽陡發訪道南方情勃勃禪杖紅挑越水雲芒  
鞋白踏吳山月普陀巖九華山捫蘿附葛皆登攀但知  
飢餐渴飲倦卽睡不管身居何地今何年赤城有廟白  
鷺名洲雁臺山聳龕赭江流隨處攬勝而尋幽春風洗

鉢西湖水秋雨擔經北固樓虎卧山兮阻逕蛟破浪兮  
吞舟泉橫飛而眩目石欲墜而衝頭千巖高而萬壑下  
奇形異狀難題難畫之景盡供雙明眸忽念翠微山色  
久疎闊飄然雙足歸悠悠山川萬里積胸內依然澹泊  
無他求吁嗟乎人生適意當如此豈必拘拘守鄉里

寺居集

庚申至壬戌

早起

涼風吹木葉明月澹天心  
昂首檻邊立敝袍寒乍侵  
鐘聲鄰寺急柝響遠衢沈  
對此清景絕淒然愁更深

偶成

斗室寒難入，遙街柝亂喧。心中事無限，不欲向人言。

集成

倚杖柴門外，鳥鳴山更幽。涼風起將夕，疎雨似深秋。細草松下軟，清泉石上流。東皋薄暮望，蟲響荻颼颼。

集成

小院無人夜，臨風聽暮蟬。倚窓邀素月，把酒問青天。暗水流花逕，重巖起夕烟。石闌斜點筆，佳句染華牋。

廢園

限韻

名園十里僅牆存石額年深剝字痕庭草青迷難覓徑  
檻花紅盡只留根寒烟冷露埋荒院苦雨淒風鎖敝門  
興廢無恒當太息滿懷愁思向誰論

瓊樓畫閣慨何存滿地空餘碧薜痕燕雀亂巢華屋上  
兔狐偷穴假山根空庭有月花迎客深院無人柳守門  
別樣淒涼難注目亂愁如絮不堪論

繁華世界但名存舞榭歌臺幸有痕樓閣半傾人罕遇  
牛羊久牧草無根柳堂月暗狐延客花逕烟迷鬼嘯門  
名地一朝成廢土盛衰相代慘難論



紀年古碣喜遺存幾點依稀有字痕  
鐵馬不聞鳴樹外銀蟾猶自照花根  
雨汗繡幄橫鋪砌風捲珠簾倒挂門  
滿目荒涼增感慨莓苔小坐細評論

勝蹟於今無半存沙平難覓舊車痕  
頽垣欲墮繞蘿帶破壁將傾穿竹根  
斜照寒蕪連碧殿西風疎柳掩朱門  
含愁不忍頻登眺往事從頭子細論

山中

凝眸送月下山背舉首吹雲過樹頭  
獨卧松間枕磐石不知世上幾春秋

冬夜

小院閒行夜氣涼  
遠衢不斷柝聲颺  
月爭雪色明幽徑  
風挑花陰鬪曲廊

雪中放歌

君不聞昔時黨氏家  
豐亨雪中歌舞飛瑤觥  
羔羊酒酌銷金帳  
不屑掃雪團茶烹  
奢華雖未能免俗  
風流亦足移人情  
又不聞浩然孟叟居襄陽  
詩才清逸齊儲王  
雪中曳杖踏寒玉  
遠尋高嶺梅花香  
高情逸趣迥無匹  
豈與俗士爭低昂  
更不聞南朝高士王子猷  
猷胸襟冲澹陶

公儒平生愛竹兼愛雪雪中曾泛山陰舟到門不入竟  
遄返往還不與恆人侔良辰美景樂何極韻事果足垂  
千秋嗟乎古人雪中皆有樂笑我貧居太蕭索茅廬抱  
膝愁倍虐鄙句俚詞昨自作旣難斟酌坐華堂又難看  
花厯巖壑欲遠遊兮畏苦寒更難泛舟尋舊約踏雪未  
得入西山行雪直欲如東郭斷橋雪滿闕舟行灞岸雪  
深無蹇策徒然悶坐敝廬中苦吟雪詩學戰白拈毫浩  
歎氣難舒嚴寒凜冽侵膚革朔風捲樹寒雲低暮鐘急  
敲鳥不啼天地慘澹白一色難分南北與東西黃昏之

後飛愈大柳絮輕盈整兼碎寒風不動暮雲平遠近寂  
然銷衆籟積雪晶瑩繞畫檐貧莫能賞心良慚寄語勝  
君毋自誤從今不必罪此處

集成

向夕開簾坐落花沾我衣亂雲低薄暮去鳥帶餘暉明  
月松閒照春風柳上歸旣畊亦已種寂寞掩柴扉

又

東臯薄暮望桑柘雨初晴林靜鶯聲遠田秋麥氣清澗  
花開且落逕草踏還生向晚登臨處銜山夕照明

集成

吹面不寒楊柳風  
巖泉滴久石玲瓏  
林花著雨胭脂濕  
雨歇魚雲澹在空

野水無聲自入池  
陰陰夏木轉黃鸝  
閒身自喜渾無事  
臥看南山改舊詩

山中

步步入幽境  
崗巒隔幾重  
急風欺弱柳  
殘照愛高峯  
澗水經秋小山光  
向夕濃黃昏  
至西嶺古寺亂鳴鐘

山行口占

紅牆古寺亂禽鳴  
石路東迴似砥平  
轉過山腰西向立  
萬峯烟樹夕陽明

昆明湖上雜詩

廓如亭建碧湖邊  
千頃清波望渺然  
步下苔階數十武  
銅牛特卧白堤前

閱武高樓西近湖  
階前小渚聚菰蒲  
爲來此地習攻戰  
四望平田似紙鋪

龍王廟在湖中央  
樓閣參差深樹藏  
白石爲梁孔十七  
往來不待登輕航

柳浪莊依湖水東稻田如郢邇遙同晚殮已罷村邊步  
彷彿身行吳越中

蘆葦青葱遍野塘繡漪橋畔可乘涼拈毫不敢輕成句  
御詠刊碑立路旁

樓閣玲瓏聳碧霄景明賜號代非遙青蘆綠徑通南岸  
又倣杭州建斷橋

嵯峨宮殿望圓城玉帶高橋近岸橫西望玉泉東萬壽  
山光水色秀難名

翠巒曲曲水潺潺直把西湖移此閒不必雷峯觀落照

七層塔立玉泉山

靜明園裏樓臺盈白塔昂然霄漢平  
小息宮門風滿袖穿牆碧水聲琤琮

玉泉萬壽聳巍巍金碧輝煌遠照波  
靈隱雲棲名枉著樓臺終遜此山多

圓明園側水澄清浣女如雲石岸盈  
碧柳垂陰草鋪徑南風遠送搗衣聲

西南門外接清陂聚浣池邊盡豔姬  
此地山川苧蘿勝鍾靈應有美如施



稻田隨處水潏潏小逕沿湖灣復灣緣岸故多行數里  
只圖看盡水邊山

荇渚蘆洲景不同樓臺環繞岸西東緣堤來往難尋徑  
只在湖光山色中

戲浪沙鷗遠近飛棕鞋踏遍水周圍沿途不必人頻問  
自有湖流引導歸

三山相接擬蓬壺二水遙通儼畫圖再有輕舟載歌舞  
誰云風景異西湖

集成

世胄躡高位儒冠多誤身自當安蹇劣憂道不憂貧

廓如亭恭步 御韻

雲連三面山烟壓半湖水妙境儼西湖何須三十里蘆  
岸漁晒簪稻田農負耜粉版懸梁閒宸章超杜李東  
望 御路遙蕩平不迤邐北望 宮殿多高低眞倍徒昆  
明玉泉閒佳景萃於是豈必杭郡堂始堪稱有美望湖  
樓縱高清況難過此彼湖勝此湖只于稍闊耳

集陸

吹盡浮雲作意晴乍寒偏愛小窓明喚迴癡夢塵機息

村舍無人有碓聲

鵲聲穿樹喜新晴不復微雲滓太清午枕閉門無客攬  
夢魂安穩覺心平

新春天氣更清柔北陌南阡信脚遊砧杵敲殘深巷月  
疎燈人語酒家樓

黃紬被暖青氈褥睡起東窓日已明花氣襲人知驟暖  
小詩每向此時成

送人入蜀

集成

見說蠻叢路奇峯百仞懸行人去不息此會在何年

又

雪晴山脊見雲傍馬頭生鳥道一千里胡爲君遠行

集成

楊柳隨風散綠絲流鶯百轉最高枝一年好景君須記  
酒熟花開二月時

數枝紅杏出疎籬春到人閒草木知名士例須憐麴蘖  
莫教辜負好花時

隻柑斗酒聽黃鸝日澹風恬欲午時最是一年春好處  
梨花如雪柳如絲

夏日

向晚村邊立披襟酒半醺  
斷虹留急雨斜日染殘雲  
衣食嗟難覓干戈幸不聞  
徘徊深樹下此意共誰云

秋砧

風急葉敲戶月明霜滿城  
幾家聲欲斷孤客夢初驚  
旅館思鄉候深閨寄遠情  
淒涼聽不得兩地淚縱橫  
獨坐迴廊下砧聲入夜忙  
秋心隨杵碎別淚點衣香  
小院昏烟散空階夜月涼  
寒衣親搗畢千里寄他鄉  
砧杵韻悠悠深閨夜色愁  
擣殘千巷月敲碎一城秋木

落人歸戍風清客倚樓涼音難入耳回首涕頻流  
深院月如鉤西風捲樹迢幾聲清欲絕雙淚冷難收斷  
續音彌慘悠揚韻帶愁閨中力空盡塞外可聞不

### 暴雨

疾雷翻亂雲狂風捲飛電驟雨破寒窓孤燈閃書案炎  
暑頓消除冷氣侵人面飛雹亂跳珠縱橫逼窓濺斗然  
雨聲止明月天邊現

### 山中

山中無事不從容寂靜難逢遊客蹤偶伴農夫話荒野

佳言集卷之十一  
時攜吟友步高峯鶯隨斜照過深柳鶴逐歸雲入古松  
助逸供閒無幾物半壺清茗兩枝筇

秋雨

秋雨連綿灑碧空滴蕉敲竹屢丁東三更月送小窓下  
一夜寒生孤枕中淅瀝深宵愁旅客飄零幾陣趁西風  
明朝曉霽天光朗洗出山川與畫同

元元集

癸亥甲子

題赤壁燒兵圖

旌旗亂颭月連水金鼓交鳴烟滿空焦骨白翻千里浪

戰船紅捲一江風軍聲直接鳥林北火勢橫連夏口東  
公瑾兵威雄若此至今無處贖孤蓬

漁樵畊讀四律

浮名濁利總空虛寄傲江湖且作漁短笛一聲潮落後  
殘蘆兩岸月明初終朝泛宅渾如鶩隨意垂綸不在魚  
世路風波更堪畏羨君舟上得安居

雪中隱約有歸樵簾笠芒鞋過野橋擔影橫斜臨水遠  
歌聲清逸隔林遙一枝碧帶晴嵐斫兩束青連淡月挑  
未必此閒無大木勸君且莫采柔條



堪憐自是庶民情終歲辛勤獲與畊  
四季農功遵夏正  
萬家奢望盼秋成  
翠疇午日鋤禾影  
紅樹春風叱犢聲  
安得甘霖似胥吏  
往來不絕入村行

朝夕蕭齋業獨修  
蹉跎總未出人頭  
緇囊枉破書應恨  
青鐵空穿硯亦羞  
旅雁寒蛩半窻月  
淒風苦雨一燈秋  
已知花榜無緣分  
且借芸編自遣愁

苦熱

風定地有火日低天無雲  
曠野少飛鳥深林多卧人  
炎歊苦難避行坐心如焚  
况復多抑鬱焦灼焉可云  
安得

入深山箕踞青松根置身清涼地翛然遠炎氛

白蓮

清標皎潔勝羣芳翠蓋參差素萼藏水滿秋江惟見影  
月明遙浦只聞香栽培合向瑤池裏移種應從玉井傍  
君子之交原取淡不須妍麗鬪紅妝

赤壁懷古

斷山低壓半江紅此地曾經立戰功魏帝雄心歸烈火  
吳王社稷付東風纜舟自衛謀雖拙橫槊酣歌句卻工  
欲詠小詩弔豪傑才疎未敢擬坡公

山月

空中地下鬬蛾眉  
皎潔銀蟾上嶺遲  
萬壑松陰山靜處  
半林雲影月明時  
輝生層嶂渾如洗  
光映危峯更覺奇  
良夜淒清堪眺望  
不須鼓棹泛寒陂

獨釣四首

用韓昌黎韻

桃花流水外  
明月滿魚竿  
怪石身閒倚  
平沙膝獨盤  
波深蘆出晚  
浪急藻生難  
偶有尋春客  
臨淵駐錦鞍  
柳外一竿斜  
薰風逗落花  
石橫波露骨  
蒲茁浪生芽  
古木晒魚網  
芳塘旋水車  
日長歸去早  
村釀喜堪賒

石上持竿坐西風吹酒醒鷺浮分水草魚躍破池萍波  
外荻蘆密雨餘蘭芷馨笑余偏好飲獨釣尙攜瓶  
釣翁偏耐冷獨蕩小舟來白髮短連頸蒼髯長滿腮冰  
霜孤棹泛風雪一帆開不把金鱗得黃昏未肯迴

紙

五色鸞牋染出奇分封楮國恰相宜蔡家魚網新敲後  
霍氏烏絲喜贈時蕉葉碧沾千點墨桃花紅寄一行詩  
勸君且莫嫌澆薄今日人情未若斯

筆

鼠須鱗角不須誇新製毛錐質倍嘉  
豔掃佳人眉上柳  
春生才子夢中花  
公權隱諫言誠大  
定遠封侯志倍賒  
自笑俗愚無妙技  
朝朝擲管學塗鴉

硯

數方古雅列窓前  
權作農家上上田  
一沼落花和月洗  
半池飛絮帶風研  
拾從鄴郡荒臺下  
取向端溪積水邊  
朝夕任人磨不已  
生成美質本剛堅

琴

玉軫冰絃足美觀  
尾焦曾記火燒殘  
花閒三尺帶雲抱

松下一聲和月彈曲譜求凰情繾綣操傳別鵠韻辛酸  
從今不向人前鼓千古知音遇最難

書

從古真儒豈在書終年佔畢總拘墟前賢不朽全憑爾  
半世無功枉誤余紅袖添香人靜後青燈弄影夜涼初  
一編滋味嘗難盡何必誇多讀五車

畫

淡描濃抹漸模糊幾幅生綃列座隅越水吳山才子筆  
春花秋月美人圖南宮超妙人難匹北苑清奇世所無

眞迹千年良可惜丹青俗手莫臨摹

訪菊

正是黃花徧放時攜筇載酒去休遲  
霜中獨立君何傲月下頻來我不辭  
蜨戀晚香尋故逕人隨秋色問東籬  
相逢深愧無堪贈醉把殘枝自詠詩

乞菊

愛煞黃花滿逕幽腴然卻向主人求  
移來韓國三分豔借得陶家一半秋  
傲骨似卿眞可羨厚顏如我未知羞  
特歸徧種疏籬下索句聊將古誼酬

載菊

翠葉金英淡更幽  
載歸憚忘路悠悠  
落花逐步霏村口  
餘馥隨人散陌頭  
斜照冷挑雙擔影  
西風香送一車秋  
仔肩自有園丁任  
壽友遷家不必愁

秋海棠

丰姿嫵娜畫難工  
色比春花質不同  
滿地淚痕敲宿雨  
半闌香影睡西風  
參差嫩葉搖新碧  
厯落殘英墜淺紅  
何必綠章頻奏乞  
清陰連日覆秋空

四雁

影字陣程



如有如無畫不工依稀幾點認歸鴻寒雲萬里碧天外  
秋水一江明月中遠勢迷離排古岸斷行隱約印遙空  
悠然漸覺看難見暮色蒼茫四望同

幾畫書空正復斜銜蘆疑是筆生花硯池低映三江水  
繭紙輕鋪五色霞鳥篆參差排樹外鴻文厯亂認天涯  
有時雪裏翺翔去飛白成行體更嘉

結伴齊飛兩翼分嘉名應號羽林軍一彎弓映衡陽月  
五丈旗開塞外雲背水高翔排隊隊巡風橫列散紛紛  
驚寒嘹唳聲無數不比孤棲歎失羣

南飛北響不淹留振羽翱翔日未休  
湘水碧涵千里影楚山青送一行  
秋傳書天末途何遠作字空中路  
倍悠先主後賓來更往辛勤豈爲  
稻梁謀

五老吟

馬鶴牛犬猿

汗血來西北馳驅歲月深絕塵千里足  
報主十年心身是房星化毛經塞雪  
侵哀鳴空伏櫪伯樂恨難尋

澗雪山雲外冲霄展素翎和鳴應有子  
問姓合稱丁梅守千年白松棲百歲  
青中宵頻警露老去性尤靈

費盡耕田力勤勞老未辭秋風雙角  
健春雨一犁遲山

徑徐行處牆陰倦卧時村童不知惜鞭策尙頻施  
黃耳知人意殷勤久守家幾聲吠明月終日卧殘花迎  
客心何慧傳書路倍賒新雛隨尾戲階下共喧譁  
矯健猶如昔依稀是野賓山攀千仞翠洞鎖百年春巫  
峽雲如絮瞿塘月似銀峯頭一聲嘯過客盡沾巾

擬秋窗風雨夕

秋風淅瀝不堪聞秋雨廉纖最斷魂秋窗幾陣涼侵骨  
有客悲秋太息頻悲秋騷客添悲思淒涼秋夕渾難睡  
清淚寒隨秋雨零閒愁亂逐秋風至窗前風雨送秋聲

窗中騷客動秋情秋聲引得秋情亂愈使秋窗夢不成  
夢不成兮悲不已怕聽風雨敲窓紙一樣風聲和雨聲  
聲聲偏入愁人耳愁人此夕更愁深竟夕含悲攬敝衾  
風力吹穿憔悴骨雨聲敲碎寂寥心心寒骨冷悲秋客  
秋恨難消是今夕秋燈只賸一穗青秋席空餘半牀碧  
從來名士似名媛緣淺情深總夙因遙知今夕秋閨裏  
也有愁聽風雨人

鬪蟋蟀

開其牙奮其臂鳴嚶嚶躍趨趨兩雄相遇騰勇氣決勝

爭強無退意奮身一噬忽遁逃低頭垂翼不敢號驅回  
再戰猛如故平分利齒尖如刀兩齒相撾響不絕拚生  
死戰齒欲折齒欲折兮心猶雄仍復踴躍橫相攻氣衰  
力竭難久戰回頭急走不敢戀彼軍苦逐意氣昂鼓翼  
驕鳴聲不斷吁嗟乎蟋蟀小蟲耳相爭尙如此烏怪世  
閒人爭競苦不已因名鬪兮不知勞因利鬪兮不知恥  
力爭心競不稍停微息綿綿猶弗止一朝心殫力盡此  
身亡亦似秋去寒深蟋蟀死噫人生百年蟲數月胡不  
安然覓歡樂

冬柳

含烟帶雨畫圖中  
回首春光迥不同  
寒碧壓低千縷雪  
凍靑吹老五更風  
翠消金減隋堤外  
燕去鶯藏灞岸東  
轉眴陽和歸日近  
依然十里綠烟籠

露條烟縷幾時新  
一旦飄零逐暗塵  
殘照冷搖雙岸影  
凍雲寒鎖萬條春  
眉梢翠減描難出  
眼角靑凋望不真  
寄語兒童莫輕折  
來年留待染衣人

踏燈詞

元宵風景倍清新  
散步尋詩笑語頻  
殘雪白迷千巷月

春燈紅破一街塵

絮影

隨風飄泊似輕塵  
滿地迷離望不真  
遠水碧涵千點影  
夕陽紅印一隄春  
飛來歷亂遮花錦  
落去微茫散草裀  
十里方塘芳樹外  
漫漫亂影照行人

春雨

春雲澹沱罩遙空  
春霧迷離遠近同  
春風幾陣催春雨  
一夜春光釀雨中  
書齋有客多春思  
青襟搵盡傷春淚  
雨聲和淚灑寒窓  
中宵淅瀝驚春睡  
春愁攪得夢難成

獨臥空牀聽雨聲春燈一穗照孤枕惆悵春宵不肯明  
春宵不明愁不止雨聲淒切無時已一樣春宵風雨聲  
聲聲偏入情人耳入耳蕭蕭聽不真雨窓無寐暗傷神  
春情惱客枕全濕雨氣侵人被不溫明朝雨足天應霽  
野外韶光倍清麗雨聲敲破一林春桃杏垂紅柳搖翠

卽事

散步出郊垌春來風景美行行忘遠近遊興自難已柳  
岸帶斜陽花村繞流水沽酒野店中聯詩蕭寺裏佳趣  
尋不窮所見皆堪喜韶光莫辜負遊覽從茲始



新柳

無力挂斜陽東風任意颺三分添鴨綠一半褪鵝黃  
嫋嫋絲猶軟纖纖縷未長勸君且遲折留待染衣裳

寄文松巖

集成

北斗挂城邊陽關已近天君從萬里使何日是歸年  
君今度沙磧萬里少行人邊地鶯花少何如此地春

春雨

東風打破窗風吹窗紙裂斗室悄無人孤燈青欲滅

落花

繁華彈指盡成空零落胭脂到處同春色敲殘三月雨  
香魂吹散一林風幾枝淺淡添新碧滿地鮮妍墜亂紅  
昨日紛紛蜂與蝶從今不肯入園中

海棠

嫣然巧笑向東風豔比天桃態不同一院輕陰護疏碧  
半林微雨睡新紅淵才抱恨嫌多事蘇軾留題羨最工  
更喜秋花饒斌媚幾叢歷落小園中

聞蟬

斜陽慘淡照前廳嘒嘒枝頭響不停一院柳陰風乍息

半窗槐影夢初醒  
隣渠斷續清音送  
使我淒涼別淚零  
記得去年新雨後  
有人同倚畫樓聽

曉行

凌晨出門去驅車  
向城東行行至河  
干白日已升空風  
靜荷香細雨餘柳  
色濃佳景良可娛  
惜哉行匆匆

夏日與文鏡寰清階平飲酒

鏡寰階平邀我入  
酒家無錢買酒猶  
能賒我不能飲亦  
快意大杯坐對同  
喧譁倚窓縱飲南  
風涼論詩說賦神  
洋洋酒人滿堂不  
敢飲停杯偷看詩  
人狂我生幸得不

得志狂吟豪飲無顧忌若教傲倖登高位拘拘豈得如  
人意能詩大是快心事何須希冀虛名利試觀從古大  
才人幾輩生前能富貴鏡寰杯已盡階平杯亦空而我  
面前酒猶自盈杯中持杯大笑呼天公胡不賜吾少陵  
喉舌淵明胸使吾窮愁詩筆酒量皆相同

游地安門外湖

葛衫蕉扇獨遨遊颯颯西風已似秋幾樹蟬聲喧午日  
一隄草色映清流菱荷香繞臨湖寺楊柳陰迷隔岸樓  
欲咏小詩無客和橫橋北畔自勾留

五臺詠

姑蘇臺黃金臺歌風臺子陵釣臺銅雀臺

寂寞荒臺賸草痕靈巖蒼翠接顏垣  
梧桐秋雨吳王恨楊柳春風越女魂  
響屧廊傾基尚在采香人去徑空存  
夫差自爲無謀敗豈是嬋娟樂負恩

崔巍壯觀聳千尋好士遺風萬代欽  
勝蹟至今餘碧草賢才從古愛黃金  
秋風易水行人少夕照燕臺落葉深  
歎息昭王難再作含悲不忍獨登臨

沛宮歡宴翠華臨富貴歸家樂倍深  
故老新君千載會大風猛士四方心  
還鄉盛事垂天壤對酒高歌冠古今

我欲登臺訪陳迹漢皇遺烈杳難尋

高臺百尺壓江潯漁客名高冠古今一卧竟忘天子腹  
九重難奪故人心水邊把釣月爲燭山下放歌雲滿襟  
偶著羊裘原怯冷并非有意待搜尋

魏我高枕鄴城隈彈指惟留土一堆衰草西風埋古瓦  
落花寒雨鎖層臺分香賣履奸雄意作賦題詩子弟才  
爲問江東喬氏女今生底事不能來

蟬

淩風鼓翼不知疲密樹疎林取次移碧柳池塘朝雨後

綠槐門巷夕陽時乍揚乍抑音流遠如斷如連響送遲  
莫認輕聲滿人耳知君身在最高枝

滿敬之邀同文鏡翁清階翁柳又章游釣魚臺因  
事不果

敬之邀我同遊釣魚臺我因俗事不得相追陪遊興勃  
然忽中止滿懷抑鬱無由開拋書獨坐南窓下抽毫聊  
把窮愁寫忽被狂風吹出城信步悠悠來大野遠林橫  
密密流水鳴潺潺芳草徧地青連天遙見諸君飄飄行  
我前攬衣追及情欣然攜手同步河之干轉眴此身已

在釣臺側綠陰夾岸聯鳴蟬西風掃地怪雲起滿天雲  
立如奇鬼雷車轟轟追電尾疾電穿雲萬條紫斗焉迴  
風旋滿空立將風雲雷電併作一天雨驟雨驚人魂夢  
醒推窗一片秋天青不知諸君此時遊屐何方停

晚晴訪宜少畊

向晚濃陰散閒行意倍忻月明添積水風急減歸雲戲  
燕當衢舞鳴蟬隔巷聞橋南有佳客相訪共論文



偶齋詩草外次集卷二

山阿集

甲子

宗室寶廷竹坡著

詩鬼

佳章題罷墨無痕終日推敲倚墓門  
春雨棠梨催客淚秋風松柏冷詩魂  
九原妙句人誰和一卷遺編世尙存  
莫歎黃泉少歡樂吟花詠柳度晨昏

情鬼

奈河千頃化迷津幽恨纏綿死後身  
香月照乾三尺土暗風吹冷一腔春  
臉桃帶笑紅無影眉柳含顰翠不真

地下鴛鴦情繾綣夜臺權作朱家鄰

戰鬼

報國雄心死未灰征魂猶想上雲臺青燐滿地月初落  
白骨遮山烟不開廢壘荒城兵氣冷平沙衰草哭聲哀  
將軍已遂封侯志戰士誰酬酒一杯

客鬼

一天寒霧哭楓林渺渺家園無處尋斷水殘山遊子墓  
淒風冷月故鄉心關津迢遞魂難越骨肉凋零信久沈  
堂上不知人已杳倚門猶自望歸音

贈李敘九

我聞階平鄰有李敘九才調直追玉溪叟鏡寰階平皆  
爲友可知世尙有我否會當同飲千杯酒醉來同詠詩  
千首天生吾輩使不朽詩牌酒盞休辜負莫教陳思獨  
據才八斗

訪王鍊師

與師唱和年將半今朝始至清虛觀古觀清幽不見人  
獨坐高齋倚經案啼鳥兩三聲西風花滿庭

靈介眉先生留飲於蓼花吟室卽席賦呈

書齋小集夜飛觴縱飲高吟夜未央一樹晚烟涼鳥夢  
半庭疏雨逗花香分曹射覆輸君捷對客揮毫讓我狂  
寄語詩人莫逃席恐將才盡笑江郎

飲未終彭心壺至  
白石家白石遂去

雨夕與階平飲酒

季秋偶訪階平談良久欲去而雨作乃賒酒共飲  
至三更雨猶不止爰反衣裳冒油紙踏雨而歸余  
既苦短視又兼無燭途中大窘假路人燈光以行  
及至家衣盡濕矣笑而有作

天恐我輩不飲酒寒雨留人使坐久天恐我輩不吟詩

故送夜雨爲詩題無詩無酒眞負天空勞秋雨霏連綿  
不飲不吟亦自負今夕虛生此心口當筵大笑杯頻傾  
狂吟拍案神鬼驚詩成酒盡天亦喜風雨皆作歡然聲  
三更雨益大燈前客同醉我醉我當行君醉君可睡濕  
雲壓巷黑無路一天風雨隨人去

秋思

睡起意不適清淚沾裳衣秋聲不可聽慘然心骨悲無  
語立階前滿庭黃葉飛

學舌耕集

甲子乙丑

擬出自薊北門行

風沙黃連天將軍冬出邊前軍逢勁敵格鬪荒山閒弓  
矢不及發對面揮戈鏖戰血凝紅冰揮劍飛成團霜重  
鼓無聲風勁旗不翻追奔三十里人馬同爭先會當乘  
兵威直薄燕然山忘身報主恩功勛誰暇言

塞下曲

鬼哭野無月馬鳴天有霜驅車出北邊風急重裘涼當  
關多敵壘烽火爭輝煌冰雪載陵谷寒重弓難張丈夫  
誓許國臨戰胡傍徨策馬入敵營拔劍擒生王

將進酒

將進酒聽我歌樽中有酒休嫌多人生有天命不樂將  
如何琳宮貝闕高嵯峨蓬萊日煖仙風和我欲從之多  
洪波神仙恍惚不可作不如飲酒有真樂

冬月病霍亂

北風颯颯殘月明窓中騷客聲唧唧波濤萬丈起五內  
心花意蕊同奔騰四肢如冰面如紙文心斷絕詩情死  
自辰抵午不能休藥石紛投亂如螳老嫗奮臂當名醫  
青錢挹水磨寒肌千紅萬紫陡然放回頭反笑春風遲

拋衾擲枕霍然起仰天大叫吾生矣堂上歡忻婦孺喜

除夕祭詩

朔風捲雪寒雲凍燈光滿巷樓臺動一壺清酒列中庭  
手把殘編向天誦向天誦自祭詩詩中甘苦天能知一  
年三百六十日悲歡離合事事存於斯我心深我意解  
旁人不解何妨嗤今宵有酒且自祭勝教俗客評高卑  
新酒傾一斗舊詩焚一首紙灰飛上天詩心逐風走君  
不聞昔時詩僧無本公又不聞近代詩人船山翁祭詩



千古留韻事詞壇嘖嘖稱英雄我雖不敏少才調好詩  
頗與前人同二君有知見應妒詩雖勝吾輸吾窮舊詩  
感憤多不平新詩更覺難爲情詩成不忍再仰誦只恐  
淒絕天難聽

元旦 猶未立春

窮居忘令節蓬戶寂無人雪意隨雲散春光讓歲新得  
詩聊自慰有酒且頻斟坦腹南窓下翛然未覺貧  
東風一宵雪吹作兩年花盡說時光變何曾景物差凍  
雲迷曙色新歲遲春華鬱鬱無堪遣吟詩愁倍賒

春草

一隄春色綠萋萋  
千里迢迢送馬蹄  
酒盡離亭人已遠  
淡烟疎雨板橋西

清明已過未花開  
女伴尋芳步繡街  
春色先從何處認  
一痕青上鳳頭鞋

題文鏡寰壁

我偕清階平同訪文鏡  
寰出城不知路  
躑躅田野閒  
農夫指迷途  
始得識柴關  
大呼鏡寰出  
鏡寰狂欲顛  
兒童識故人  
歡呼茅屋前  
邀我踰垣入  
雜坐荒塋邊  
興來欲

題詩取墨階頭研題罷暇苦茗談笑渾忘還遠山帶新  
雨疎林生暮烟郊原難久留曳屐齊言旋何當重訪君  
取醉詩同聯

是日極思酒主客  
皆無錢暇茗而已

雨中同階平敘九訪鏡寰

好雨催詩人飄飄出城郭信步至茅廬衣濕不可著狂  
奔入室中脫衣赤雙腳大呼賒村酒剖瓜歡共酌

以衣負瓜

往至則衣  
已破矣

醉後卧床頭覓紙詩同作人生能幾時有暇

卽行樂明朝事何如今日且拋卻

自鏡寰家冒雨遊慈壽寺

不憚泥塗苦行行遂忘還遠林浮古塏急雨斷遙山曲  
徑相將覓危坡幾度攀黃昏歸未得載酒叩禪關

同階平冒雨遊慈壽寺

散步出西郭蕭條人不逢林光烟裏重山色雨中濃泥  
滑頻黏屐途平嬾策筇行行至古寺松院亂鳴鐘

訪鏡寰

尋幽不識逕三义得見衡茅興倍賒古木荒垣華冑墓  
碧苔芳草故人家忘形稚子慵陪客解事山妻代煮茶  
吟畢新詩題壁上拈毫隨手走龍蛇

夏日偕靈介眉先生清階平李敘九宗子美昆仲

納涼作

介翁招我遊南塘臨流布席同徜徉是時正值新雨後

南風送爽衣裳涼座中豪士久不至

階平後至

幽情阻隔詩

心滯姮娥似恠客來遲一輪先出東林外金輝一片橫

中流波光月色相夷猶蛙聲滿水亂人語南風撲面渾

如秋有時微風過水面月影參差搖雪練有時風靜波

瀾平銀蟾皎皎如鏡明急風一陣颯然至若長若短若

斷若續滿地銀濤生波紋月影同遊戲揮霍紛紜多變

態眼前人自認迷津皓月清流本無意噫世閒萬事紛  
無窮茫茫宇宙原虛空

水亭消夏

向晚高亭坐新晴景不同清幽塵不起蕭颯暑全空遠  
樹銜殘雨孤雲倚斷虹蛙聲三面水花影半池風倚檻  
攤詩本開窓理釣筒冰盤瓜剖綠雪碗李沈紅鐘動遙  
林外人歸別浦中行歌互相答明月上山東

曉晴偕鏡寰階平敘九自慈壽寺歸

雲連三面山烟迷半村樹大野積殘流層城帶朝霧曳

屐出莊東行行屢回顧朝陽上遠林一塔空中露吟朋  
三四人攜手同安步囊空難覓餐新詩聊共賦

### 夏夜曲

松頭好月如珠明碧天皎皎銀河橫美人不來夜將半  
閉庭獨步難爲情取琴欲彈不成曲元蟬切切鳴喬木  
悄坐苔階不見人一點流螢落疏竹

### 我恨行

我恨不如山中人窮巖絕壑棲閒身一蓑一笠一藤杖  
終身笑傲忘紅塵酒酣日落抱雲臥萬山草木同生春

又恨不如青樓女霧閣雲窓日歌舞鴛鴦蛺蝶永雙飛  
到處春風添妙侶良緣自結不由天名士才人日相處  
又恨不如乞食僧九州四海常遊行櫛風沐雨卧霜雪  
身如枯木心如冰有山有水自堪樂不知何者爲人情  
而今無故作文士儒冠壓人人欲死

題米顛拜石圖

人生有膝莫輕屈州縣勞人眞鬱鬱與其低首向庸人  
不如拜此無情物吾愛米海嶽舉止超凡塵初蒞無爲  
州拜石呼丈人不拜長官拜頑石詩人放誕誠絕倫披



圖狂態宛然在衣冠紳笏同傳神安得良工圖萬紙編  
贈人閒名利士

雨後同階平敘九藝圖靜軒遊釣魚臺

雨餘結伴過南城石橋水滿噴濤聲沿河散步出西郭  
徧途積水流縱橫東旋西折不得渡濁泥亂草相將行  
圓通觀近水橫阻徐波疾浪堆層層褰裳解屨亂流過  
波濤足底如□鳴攜壺共至釣臺下解衣坐石詩同賡  
斜陽欲下碧山暗萬峯雲樹昏烟青水光山色接一片  
參差蒲葦連天生雲收日落入城郭滿身水濕黃泥凝

人生如此信可樂何須博取人間名  
明朝相約載佳醞  
持杯把筆重攀登

觀我四首和船山

彈指光陰總是空輕塵弱草太匆匆  
聰明雖出兩閒外  
哀樂都歸百歲中夢裏那能求覺悟  
死前誰肯學癡聾  
茫然宇宙無消歇傀儡登場自古同

生

少壯年華渺莫尋幾莖白髮不勝簪  
功名富貴留回味  
利祿兒孫併一心風到晚秋聲愈烈  
日當斜照色翻深  
空勞智慮無遺算轉眴松楸成茂林

老

含悲終日臥牀頭，倚枕難禁淚暗流。  
滿室藥香濃似酒，半窗人影瘦於秋。  
荒陵夜雨詞臣恨，古店西風旅客愁。  
識得浮生本虛幻，何妨藉病且優遊。

病

荒烟衰草冷平原，泉下幽情誰可言。  
氣盡何妨吾亦死，名垂豈必我猶存。  
半林松柏才人墓，一片桃花倩女魂。  
古往今來盡如此，彌留那屑有啼痕。

死

### 田家

隱迹荒村裏，悠悠十餘春。  
門前手植桑，青翠已成林。  
年來幸豐稔，晴雨時常均。  
室中有舊粟，屋後多餘薪。  
酒熟

自開甕隔壁招東鄰肴盡婦知補杯空兒自斟悠然自  
覺樂不復知清貧寄語同學子來作畎畝人

訪友不遇

尋幽重到碧林東幾樹蟬聲逗晚風春色無端過隣去  
滿庭殘照爲誰紅

偕階平敘九靜軒遊陶然亭

縱眺詩懷暢郊原景物殊斜陽半城樹秋水一塘蘆遠  
寺清堪數遙山淡欲無前賢跡已朽登覽意躊躇

香塚行

世閒惟有春命薄幾日花開花又落惜花騷客太多情  
不使殘香無處著塊然荒塚幾經春馬鬣參差看不真  
無酒難澆蘇小墓有詩誰唱薛濤墳嬌紅姹紫空留影  
香夢迷離呼不醒鏡中春色去無痕一坏豔土西風冷  
秋來載酒共登遊感物懷人淚暗流美人自古爲黃土  
名士於今想白頭美人名士同憔悴碣上空餘數行字  
幾度吟哦不忍歸半庭花影斜陽碎

鳴秋集

乙丑

夜雨

仙苑詩集卷之二  
獨卧空衾冷蕭齋燭燼時暗風穿牖急殘雨落階遲舊  
事何堪說新情更可悲躊躇不成寐倚枕自吟詩

陶然亭題壁

高亭人跡絕臨眺趁新晴好雨連宵足秋天一片清開  
窓放山入把酒看雲生小息胸襟爽翛然無世情

又

興來載酒叩禪關把臂登臨俗慮刪衰草寒蘆三面水  
淡烟殘照一窓山當筵覓句輸君捷躡屐尋幽讓我閒  
廿日再遊倚檻高吟望秋色此身渾忘在塵寰

又入

又入華胥境迷離不自禁歡場隨日短愁緒共秋深好事終成夢多情每負心躊躇小窓下拈筆發悲吟

弔香塚

并序

蘇小墳荒僅有重修之事貞娘墓古未聞代葬之人風月情懷止向生前繼繾綣烟花契合誰肯死後纏綿蓋情以分而不專緣以易而難久也今有楚江才士隋苑名姝攷姓氏於芸編謠符燕燕播風流於柳市名匹師師二美旣逢兩情彌洽盟成割

臂結訂同心楊柳樓邊竟許青驄久繫枇杷巷下  
常教粉蝶同飛無何孽海波生情天石墮合歡樹  
小忽被霜摧弁蒂花嬌竟遭風折妾旣空嗟薄命  
郎亦枉負多情六幅湘裙昔作定情之物一鈎羅  
襪今爲口口之口欲返新魂恨無靈藥權收舊物  
用寄餘悲柳絲疊翠隨血淚而同埋蓮瓣口口和  
芳魂而并葬塚葬樹玉碑於荒塚權當李氏新阡  
建綺殿於空庭更祀楊家故主塚前樹碑題曰香  
神花嗟乎花難再放月不常圓白首同歸竟成虛語



紅顏易老豈是空言鸚鵡有情泉下猶依舊主鸞

鳳無分人閒難續前盟

傍有鸚鵡塚

桃李春風已斷當

年之夢蘼葭秋水誰招此日之魂快讀佳章難禁

技癢細聆往事倍覺心傷爰賦俚詩復疏短引詩

翁如見端應珠淚同拋名媛有知定許玉顏微破

金犢難尋舊日車閒庭古木自欹斜二分秋色餘明月

揚州人

一縷春光賸落花楊柳空藏蘇小墓枇杷誰認薛

濤家鄉音望斷蕪城路荒塚淒涼噪晚鴉

野岸蕭條獨繫車滿塘瑟瑟荻蘆斜春風有夢尋桃葉

夜雨無情泣李花片石難書騷客恨荒祠權作美人家  
歌裙舞扇同消歇空賸殘陽一樹鴉

韶光回首卽成塵玉碎珠沈總夙因張旭由來稱草聖

碑陰詩書  
法頗佳

隋皇何幸作花神綺樓難續春前夢淨土誰

憐掌上身莫恠臨風倍惆悵鰥生也有意中人

舊物摧殘盡作塵風流無處問前因繡裙在似湘江水  
羅襪空歌洛浦神三尺黃沙迷柳樯半庭紅雨送花身  
弔君不必曾相識同是人間薄命人

### 送馮蘭臺之樂亭

攜手出郊垌送子盧龍去三杯酒已空征車難久駐殘  
照上孤城荒村接寒樹獨立向東臯離情共誰訴

蘭臺年已廿五尙未婚宦恐其未能忘懷作此贈  
之

男女徧天下皆可爲夫妻偶然成配偶俱非人力爲人  
生孰無情固執良堪嗤半面獨纏綿無乃心太癡物以  
倉猝貴情因時勢移人生本虛幻多情何用之

功名果何物古今爭取之公卿世不絕得者何爲奇避  
名固太矯好名亦太卑居易以靜俟此樂誰能知

秋夕與皆平聯句

西風吹散連朝雨

皆

新月淒淒照窓戶黃昏有客來窮

居

竹

竹爐湯沸茶新煮孤燈相對默無言

皆

以茶代酒

詩同論稚子懽呼奪詩卷

竹

聯吟覓韻書頻翻隔窓風

定月光白

皆

寒烟滿屋燈華窄主賓相向窮愁積

竹

寒

風入室驚魂魄一枝枯筆相因依

皆

搜索詩腸句難得

與君同是詩中人

竹

不妨一世同沈淪沈淪豈必無樂

事

皆

詩成四壁皆生春十二萬年終有盡

竹

惟許詩人

立其品一言一字不可磨

皆

此身易沒詩難泯功名富

貴何足爭竹貧交反覺多眞情況值良宵有清興皆風

清月白宜吟詠人生到處堪開懷竹懽言每自詩中來

詩成大笑投筆起皆滿庭風月秋如洗竹

秋日訪漱芳道人題壁

漱芳道人不言道仙傳獨得人難曉三百六旬酒長春  
十二萬年詩不老長生何必求金丹有詩有酒眞神仙  
羨君不蹈羽流習平生舉止純天然燕臺九月秋光暮  
滿堂黃菊凝清露入門主客兩忘言坐對寒香索新句  
與君同是箇中人苦吟不憚勞心神爲儒爲道總爾爾

能詩豈復羞家貧人生到處堪適意求名慕利殊多事  
今朝相見且吟詩莫使黃花笑無謂

十二萬年歌寄李敘九

十二萬年何其長身前身後同茫茫十二萬年又何短  
興廢存亡若轉眼人生百歲能幾時逐境因時宜自遣  
死生禍福胥由天天亦無心隨化遷王侯乞丐總爾爾  
得意失意皆堪憐吁嗟乎人生自視何妨輕隨緣到處  
堪謀生興臺卿相此身盡可作知足妄想兩念皆非平  
聖賢道大吾不及佛仙微妙吾難明功名吾懦不能立

富貴豈假吾攀登吾才便捷可吟詠吾身粗健堪遊行  
世閒萬物皆爲吾輩設博收廣取俱可陶吾情勸君處  
困宜自廣不平何必頻悲鳴君不見高高天兮厚厚地  
猶且西北缺陷東南傾

重陽偕藝圃昆仲城南登高

佳辰挈壺榼赴彼南城隈連朝寒雨過西風涼逼肌  
言酌新酒縱眺舒中懷醉後卧荒田滿地黃花開

日日可登高豈必待重陽今日人共登我登亦何妨良  
朋三四人攜手同徜徉微風吹帽落衣袖齊飄揚遠山

色如洗入望彌青蒼蘆花繞荒城寒村多夕陽今日信  
可樂相將須盡觴明年自明年誰暇先思量

白石於齋中疊菊爲山邀芷亭子美皆平飲酒馮  
雲浦夫子適至分韻得插字

九月十九詩人集城北城南挈壺榼滿堂晚菊留秋光  
紅紫青黃白相雜入門拈筆同吟詩巧鬪尖叉互酬答  
詩成大笑開杯盤布席花閒坐周匝飛觴縱飲意氣豪  
射覆藏花競便捷酒酣懽笑共忘形歌舞喧譁覺堂狹  
須臾日落天昏黃良宵快飲心懷愜醉客燒燈納菊叢



落葉霜華山疊疊紅輝碧影兩迷離一片寒光亂花葉  
酒闌折簡填新詞步韻古人嚴韶陂是夕各填如夢令  
一闕步李易安韻  
夜深踏月別主人乞花歸與山妻插

卽事

小會幽懷暢停杯話短長詩清如酒淡花瘦似人黃曲  
逕點殘葉疎籬分夕陽閒情兼密意半晌共徜徉

擣衣篇

西風颯爽涼侵面香閨漸覺時光變淒涼忽憶玉關人  
獨攬寒衣出深院深院秋風槐葉黃滿階敗葉隨風颺

玉骨豈禁風力勁邊庭秋氣不勝涼迴環拂拭未忍置  
坐對征衫起離思秋心一縷比砧寒別淚千珠隨杵碎  
淚珠點點滿顙垂半晌敲砧力不支四壁蛩聲人語寂  
月鉤已在小樓西月光冉冉隨雲入拂拭衣裳返虛室  
小窓人靜一燈紅獨把銀針對衣泣裁量寬窄屢沈吟  
幾度縫紉夜漸深明知寒到衣難到聊盡閨中一片心

歲餘集

乙丑

文仲恭醉後有願爲余婦之語雖一時戲言然憐  
才之心可謂至矣感而有作

我生本多情願得奇女子世果有知音甘心爲之死蹉跎二十載可人竟未逢誰肯在窮途巨眼識英雄今夕聞君言不覺淚頻灑茫茫天地閒尙有憐我者或君爲我婦或我爲君妻今生不能成來世應可期來世雖可期今生豈絕望憐才應有人臨風空想像

俠少

男兒何必戒奢華脫手千金樂倍賒夜雨論交燕市酒春風走馬杜陵花奇冤得報無妨死豪氣能伸豈顧家卻笑侯門貴公子錦衣玉貌自矜誇

除夕懷人

蹉跎虛費好年華  
玉冷珠寒恨倍賒  
夜雨有情偷潤艸  
東風無力枉憐花  
南郊不日留孤塚  
東國何時返故家  
一樣清貧一般病  
傾城名士兩堪嗟

閒吟集

丙寅

夜作

破衾涼逼體孤臥  
夢難成窓暗月無色  
房空鼠有聲蹉跎  
悲往事落拓歎浮生  
今古只如此支頤淚自傾

春夜小飲醉後步月偶得

散步茅廬外狂吟酒半蘇風微烟漸散雲淡月如無好  
飲何妨醉能詩且自娛興來重把盞共酌不嫌孤

花朝訪王芷亭醉宿漱芳山房中夜起作

明月半窓白滿庭花氣涼夜深人不寐無語立迴廊

花朝後十日

洞口分明路不差桃園再到卻無花武陵自是神仙境  
枉費漁郎泛釣槎

五古

有客期不來檐頭日已午徘徊斗室中幽懷爲誰吐閒

坐展素書靜參古人語神交千載前彷彿樽前敘天地  
本一胸宇宙能幾許同心卽至交何須論今古

白日未西沒明月已東來雙輪不暫停昏旦常相催蟻  
磨同迴旋古今無已時十二萬年間碌碌將何爲人生  
若駒過大道安容知把酒坐空齋耳熱心迷離

爭名必於市爭利必於朝名利果可爭心力何辭勞人  
生能幾時有死誰能逃名利未及身轉瞬身先凋才能  
無所施意氣空自豪但見同爭人送我歸荒郊

錢歌

噫世間何物能如錢錢神跋扈天無權內方外圓果何  
寶古今擾擾真堪憐紛紜變化洵無比得之者生失者  
死銅山自古少平途泉布於今成禍水才華品學何足  
論三千世界惟兄尊莫嗤銅臭不可耐阿堵到處猶成  
薰吁嗟乎魯褒著論徒爲爾十二萬年只如此

偶成

滿腹躊躇不自知不成欣喜不成悲書齋倦坐愁無語  
又是斜陽欲下時

聞妙香集

丙寅

花市曲

東階西砌花成市賣花買花人似蠟花間有女美於花  
拈花一顧花羞死媚態嬌姿花不如娉婷年在破瓜初  
桃腮杏臉何須論別有丰神絕代無好花買得芳心喜  
款步看花行復止千紅萬紫盡如灰春光只在雙眸裏  
釵荆裙布潔無塵墮馬欹斜挽翠雲莫晒梳妝未華麗  
美人從古最宜貧花陰厯亂斜陽晚遊花人去殘花滿  
南風一陣送歸家人氣花香渾莫辨

病中喜敘九至



去年仲冬十四日送君從軍遼陽出今年仲夏有十日  
喜君凱撤還家室來去匆匆未半年契濶渾如歲夢越  
去年君去時零丁一儒生今年君歸來區區得微名新得  
驍騎校人生功名若斯之難取何勞摩頂放踵紛相爭伏  
牀就枕病難起聞君聲音霍然已披衣共坐月明裏仰  
空大笑心狂喜竟得彼此相逢皆未死

偕皆平敘九訪鏡寰

連日雨初晴出郊訪老友入門不放行開樽酌村酒酒  
盡詩亦成鳴蟬噪庭柳

題鏡寰村居

四圍黃土牆三間矮茅屋籬上豆花紅庭前芳艸綠門  
戶有餘閒妻子皆不俗市聲不能來高枕書自讀卽此  
是羲皇何處求清福

題皆平新居

老屋三五閒襍花十餘樹芳艸沒空庭月暗難尋路列  
坐井闌邊衣襟濕宵露懽笑愜幽懷誰復知新故

又

僻地經過少終朝戶自扃古苔隨地綠襍樹對人青作

畫教兒讀吟詩有鬼聽

五月有人縊於此中此中堪小  
六月皆平即移居焉

住何必至郊垌

### 書扇

休論死後與生前舊事新情盡杳然大造難延才子壽  
丈夫只受婦人憐棲身有處何分地吐氣無時怕問天  
安得中山千斛酒百年沈醉抱花眠

愁根已自種身前百計經營盡枉然斯世有誰如我拙  
今生何敢望人憐無緣可結都歸命有志難成始信天  
從此塵情皆斬却飢來吃飯困來眠

含悲不忍到花前坐對殘書倍慘然  
命舛竟難容我死情多翻怕受人憐  
拚將傲骨歸黃土剩有癡心對碧天  
冷落溫存俱是幻那如松下早長眠

醉宿清虛觀贈芷亭

何處清鐘到枕邊空齋醉卧意陶然  
半庭花影月初上四壁蟲聲人未眠  
縱酒自慚情脫畧論詩太覺思纏綿  
與君俱是窮愁客方外神交本夙緣

我生

我生本情癡思得有情人含情廿七年  
此志終難伸有

情貴以真何須論其色妙麗縱如花真心亦難得有情  
貴以真何須論其才才調縱超羣未必真傾懷有情貴  
以真何必在兒女須眉巾幘中皆有真儔侶有情貴以  
真何獨在枕衾文章道義中不乏真知音彼心真知我  
我心真知彼人殊心不殊命死心不死茫茫千古中誰  
是真相知今生知不能來生姑待之